

Headlines

1. पहलगाम आतंकवादी हमले दी पच्छोकड़ै च भारत नै पाकिस्तान थमां सभ्मनें प्रतक्ख ते अप्रतक्ख आयातें उप्पर रोक लाई दित्ती ऐ।
2. जम्मू-कश्मीर च कब्जा रेखा पर पाकिस्तान आसेआ कीती गेदी बिजन भड़कावे दी गोलीबारी दा भारती फौज आसेआ तुरत ते बनकदा परता दित्ता जा'रदा ऐ।
3. पहलगाम आतंकवादी हमले दे बाद जम्मू-श्रीनगर राश्ट्री जरनैली सिड़कै पर सुरक्षा बवस्था निगगर करी दित्ती गई ऐ।
4. वेव्स शिखर सम्मेलन च आलमी सतह दिएं 7 फर्म, रचनात्मक तकनीकें सरबंधी भारती संस्थान कन्नै सैहमति-पत्तरें पर दस्तख्त कीते न।
5. आईपीएल क्रिकेट च, अज्ज बेंगलुरु दे एम.चिन्नास्वामी स्टेडियम च रॉयल चैलेंजर्स बेंगलुरु दा मुकाबला चेन्नेई सुपर किंग्स कन्नै होग।

<><><><><><>

Pak Import Ban

भारत नै पाकिस्तान कोला प्रतक्ख ते अप्रतक्ख रूपै नै आयात पर फौरी प्रभाव कन्नै प्रतिबंध लाई दित्ता ऐ। विदेश, बपार ते आम निदेशालय च इस बारे घोषणा कीती। अधिसूचना च आखेआ गेआ ऐ जे राश्ट्रीय सुरक्षा ते सार्वजनिक नीति दे हित गी दिखदे होई एह प्रतिबंध लाया गेआ ऐ। प्रतिबंध च कुसै बी किस्म दी छूट लेई सरकार दी इजाजतहोग।

<><><><><><>

Add Pak Imports

तोआई भारत नै पहलगाम आतंकवादी हमले दी पच्छोकड़ै च पाकिस्तान कन्नै होने आहले सभ्मनें श्रेणिएं दे मेल ते पार्सलें दी अदला-बदली आहली बवस्था गी फौरी तौर पर मुअत्तल करी दित्ता ऐ। अज्ज जारी कीते गेदे इक बयाना च संचार मंत्रालय नै आखेआ ऐ जे सरकारै, पाकिस्तान थमां जिमीं ते ब्हाई रस्तेया इस बक्खी औने आहली हर चाल्ली दी मेल ते पार्सलें उप्पर फौरी तौर पर रोक लाई दित्ती ऐ।

<><><><><><>

LoC Firing

भारती सेना नै कल रातीं कब्जा रेखा पर पाकिस्तानी सेना आस्सेआ कीती गेदी गोलीबारी दा असरदार तरीके कन्नै परता दित्ता। रक्षा सूत्रें दस्सेआ जे पाकिस्तानी सेना नै केन्द्र शासत जम्मू कश्मीर दे कुपवाड़ा, उड़ी ते अखनूर सेक्टरें च कब्जा रेखा पर बिजन कुसै उकसावे दे लौहके थेआरें कन्नै गोलीबारी कीती जेहदा भारती सेना नै पूरी तगड़ेयाई कन्नै बनकदा परता दित्ता।

Security NHW

पहलगाम च होए दे आतंकी हमले गी दिखदे होई उधमपुर जिले च राष्ट्रीय जरनैली शिड़क (एनएच-44) पर चौकसी गी होर मती बधाई दित्ती गई ऐ। जम्मू कश्मीर पुलस सुरक्षा गी दिखदे होई लरनैली शिड़क पर जगह-जगह नाके लाए दे न ते हर आंदी-जंदी गड़िडएं दी व्यापक जांच कीती जा'रदी ऐ तां जे कोई बी हादसा पेश नेई आवै ते सुरक्षा तंत्र गी होर निगार कीता जाई सकै।

<><><><><><>

Rajouri Police

राजौरी पुलस नै आखेआ ऐ जे किश लोक सोशल मीडिया प्लेटफार्म पर ऐसी सामग्री दा प्रचार-प्रसार करा'रदे न, जेहदी कनून तैहत इजाजत नेई ऐ। पुलस सब्बनं गी हिदायत दित्ती ऐ जे ऐसी कुसै बी सामग्री दा प्रचार करने थमां परहेज करन जेहड़ी कनूनी प्रावधान दी खलाफवर्जी करदी होए। इस बारे आकाशवाणी समाचार कन्नै गल्ल करदे होई राजौरी दे एसएसपी गौरव होरें जानकारी दित्ती जे जेहड़े बी लोक कनून दी खलाफवर्जी करदे पाए गे, उंदे खलाफ सख्त कनूनी कारवाई कीती जाग।

<><><><><><>

Awareness Van

सांझे सेवा केन्द्र आहली पैहलकदमी गी बढ़ावा देने दे मकसद कन्नै अज्ज जम्मू जिला सदर मुकाम थमां इक जागरूकता गड़्डी गी रवाना कीता गेआ। एह गड़्डी जिले दे बक्ख-बक्ख हिस्से च जाइयै लोकें गी सरकार दिएं बक्ख-बक्ख योजनाएं ते सांझे सेवा केन्द्रें दे राहें थोने आहली सेवाएं बारै बसनीकें गी जानकार बनाने दा कम्म करोग। इस मौके पर बोलदे होई जम्मू दे डिप्टी कमिशनर सचिन कुमार वैश्य होरें आखेआ जे इस मिशन दा मकसद इस गल्लै गी पक्का करना ऐ जे लोक बक्ख-बक्ख सेवाएं बारै खरी चाल्ली जानकार रौहन ते अपने नेड़े दे सांझे सुविधा केन्द्र जाइयै इ'नें सुविधाएं दा लाह हासल करी सकन। डिप्टी कमिशनर होरें लोकें गी गुजारिश कीती ऐ जे ओह जीन जीने दे मय्यार च बेहतरी लेई इ'नें सेवाएं दा लाह ठोआन।

<><><><><><>

Gyanpath-Design

स्वतंत्रता दिवस समारोह 2025 दे हिस्से दे तौरा पर रक्षा मंत्रालय आसेआ MyGov दे सहयोग कन्नै पैहली थमां 15 मई तगर ज्ञानपथ दे डिजाइन लेई प्रतियोगिता दा आयोजन कीता जा'रदा ऐ। एहदा मकसद युवाएं ते जनता च देशभक्ति दी भावना गी बल देना ऐ। प्रतिभागियें गी लाल किले च एनसीसी कैडेटें, एनएसएस दे स्वयंसेविएं ते स्कूलें दे बच्चे आसेआ बनाए जाने आहले फार्मेशनं गी डिजाइन करना होग। पैहले त्रौनें जेतुएं गी 10 ज्हार रपे जिसले के पहले 250 प्रतिभागियें गी ई निमंत्रण पत्र थोग तां जे ओह अपने इक साथी कन्नै इस समारोह दे साक्षी बनी सकन। डिजाइनं गी MyGov दे दिशा-निर्देशों दी पालमा करनी होग।

<><><><><><>

Waves Global Firm

सूचना ते प्रसारण मंत्री अश्विनी वैष्णव होरें आखेआ जे भारत, मीडिया ते मनोरंजन दे खेत्तर च वैश्विक नेतृत्व करी सकदा ऐ ते केई वैश्विक कंपनिएं इस सरबंधे च भारत कन्नै कम्म करने दी इच्छा बी जताई ऐ। गूगल, मेटा ते माइक्रोसाफ्ट सनें 7 वैश्विक फर्म अज्ज मुंबई चवेव्स शिखर सम्मेलन दरान भारतीय रचनात्मक प्रौद्योगिकी संस्थान कन्नै इक समझौता ज्ञापन पर दस्तखत कीते न। आईआईसीटी दी स्थापना 4 सौ करोड़ रुपे दी फंडिंग कन्नै मुंबई च कीते जाग। इस मौके पर वैष्णव होरें आखेआ जे औंदे दिनें च आईआईसीटी, आईआईटी ते आईआईएम समान मान्यता प्राप्त करगन। एहदे शा पैहले उनें आखेआ हा जे भारतीय रचनात्मक प्रौद्योगिकी संस्थान, एनीमेशन विजुअल अफैक्ट्स, गेमिंग ते कॉमिक्सलेई इक राष्ट्रीय केन्द्र बनने लेई तैआर ऐ।

<><><><><><>

DC Reasi Healthcare

रियासी दियां जिला विकास कमीशनर निधि मलिक होर कल इक बैठक सदियै जिले लेई सेहत मैहकमे दे प्रमुख कार्यक्रमें दा जायजा लैता। बैठक च मुख्य तौरा पर गल्लबात पठेयाली महिलाएं दी दिक्खभाल, बच्चे दी जन्म कोला पैहले ते जन्म दे बाद आली दिक्खभाल, अस्पतालें च यचगी कराने ते राष्ट्रीय बाल स्वास्थ्य कार्यक्रम तैहत्त कुसै बी बमारी दा शुरू च गै पता लाई लैने पर जोर दित्ता गेआ। डीसी होरें जिले दे दूर दरेड़े इलाकें जियां माहोर ते पौनी बगैरा च लोकें गी घरें च यचगी नेई कराइयै उनेंगी एहदे लेई अस्पतालें च औने लेई प्रेरत करने पर जोर दित्ता ते इस बारे म्हीने म्हीने स्हाबै आंकड़े तैआर करने लेई बी आखेआ। एहदे इलावा बच्चे दे टीकाकरण, गर्भवति महिलाएं दे नां दर्ज करने ते टी.बी मुक्त भारत दा लक्ष्य लेइयै शुरू कीते गेदे 100 दिनें दे टी.बी. रोकथाम अभियान बारे बी चर्चा कीती।

<><><><><><>

Reasi Water

रियासी च पीने आहले पानी दी किल्लत गी दूर करने दी दिशा च इक महत्वपूर्ण गैह पुट्टदे होई केन्द्र प्रायोजित स्कीम तैहत्त 30 ज्हार गैलन समर्थ दा पानी गी साफ करने ते एहदी किल्लत गी दूर करने सरबंधी इक संयंत्र बनाया जा'रदा ऐ। करीबन-करीबन 10 करोड़ रुपें दी लागत कन्नै बनाए जा'रदे इस प्रोजेक्ट कन्नै रियासी दे बसनीकें गी पीने आहला साफ पानी उपलब्ध करोआया जाहग। रियासी थमां विधायक कुलदीप राज दुबे होरें अज्ज औपारिक तौरा पर निर्माण कम्मै दी शुरुआत कीती। एहदा मकसद खित्ते च पीने आहले पानी दी किल्लत गी दूर करने दे कन्नो-कन्नी एहदी नियमित सप्लाई उपलब्ध करोआना बी ऐ। एहदे लेई रियासी दे बसनीकें, सरकार ते विधायक हुं'दा धन्नवाद कीता।

<><><><><><>

MLA Inderwal

भलेआं हेठली सतह उप्पर प्रशासन गी तगड़ा बनाने ते आम लोकें दिएं चैंताएं गी हल करने सरबंधी जतनें दे इक हिस्से दे तौर उप्पर इंद्रवाल थमां विधायक प्यारे लाल शर्मा होरें अज्ज इंद्रवाल ब्लाक दे छात्तरु आहले डाक बंगले च आम लोकें तोहड़ी पुज्ज बनाने आहले इक आउटरीच कार्यक्रम दा आयोजन कीता। गुज्जर ते बक्करवाल समुदायें सने बक्ख-बक्ख पंचैतें दे बसनीकें खरी मती गिनतरी च इस कार्यक्रमै च शिरकत कीती। गल्लबात आहले कार्यक्रम दरान, लोकें अपने मसले उं'दे अगगे रखे जिं'दे च गुज्जर-बक्करवाल समुदायें लेई मौसमी अध्यापकें दिएं असामिएं गितै इश्तेहार कड्डने, जारी भर्त्थी प्रक्रियाएं गी सबूरा करने ते उच्चे फ्हाड़ी इलाकें च तबाह होए दे पुलें गी परतियै ब्हाल करने दि'आं मंगां मुख तौर पर शामिल हि'आं।

<><><><><><>

Handicraft-Awards

कपड़ा मंत्रालय दे दस्तकारिएं सरबंधी विभाग दे विकास कमिशनर हुं'दे दफतरै बड़ी मती प्रतिष्ठा आहले राष्ट्री दस्तकारी अवार्ड 2024 लेई आवेदन मंग्गे न। 30एं ब'रें जां फही ओहदे थमां बद्ध उम्री दे कारीगर ते घट्टोघट्ट 10एं ब'रें दे तजुर्बे आहले कारीगर इस राष्ट्री अवार्ड लेई आवेदन करी सकदे न। इसै चाल्ली 20एं ब'रें तगर दे तजुर्बे आहले ओकडे कारीगर जिं'दी उम्र 50एं ब'रें जां ओहदे शा मती ऐ, ओह शिल्प गुरु अवार्ड लेई आवेदन करी सक'न। मंत्रालय आसेआ कुल 25 पुरस्कार भेंट कीते जा'न जिं'दे चा 6 शिल्प गुरु अवार्ड ते 19 राष्ट्री अवार्ड हो'न। आवेदन जमा करोआने दी खीरी तरीक 12 मई ऐ। इच्छुक कारीगर, एहदे लेई अखनूर रोड जम्मू च स्थित हैंडीक्राफ्ट सर्विस सेंटर कन्नै राबता करी सकदे न जां फही वैबसाईट [www-handicrafts-gov-in](http://www.handicrafts-gov-in) पर जाइयै मती जानकारी लेई सकदे न। योग्यता मानदंड, दिशा निर्देश ते होर दुए ब्यौरे इस वैबसाईट उप्पर उपलब्ध न।

<><><><><><>

IPL T20

आईपीएल टी20 क्रिकेट च अज्ज सं'झां रॉयल चैलेंजर्स बेंगलुरु दा मुकाबला चेन्नेई सुपर किंग्स कन्नै होग। मैच कर्नाटक दे बेंगलुरु च एम. चिन्नास्वामी स्टेडियम च सं'झां साड्डे 7 बजे शुरु होग।

<><><><><><>